

Na osnovu člana 8. Zakona o ministarskim , vladinim i drugim imenovanjem Federacije Bosne i Hercegovine (« Sl. novine F BiH», br. 12/03, 34/03 i 65/13), člana 5. Odluke o utvrđivanju kriterija i standarda za imenovanje upravnih odbora javnih ustanova čiji je općina osnivač raspisu («Sl. glasnik općine Gornji Vakuf – Uskoplje», br. 1/10), Komisija za izbor i imenovanje Općinskog vijeća Gornji Vakuf – Uskoplje, raspisuje;

O G L A S

Za pozicije u reguliranim tijelima općine Gornji Vakuf-Uskoplje

I - UPRAVNI ODBORI

1. JU Dom zdravlja Gornji Vakuf-Uskoplje
 - 3 člana ispred osnivača,
 - 1 član ispred uposlenih,
2. JU Apoteka Gornji Vakuf-Uskoplje
 - 3 člana ispred osnivača,
 - 1 član ispred uposlenih,
3. JU Centar za socijalni rad Gornji Vakuf-Uskoplje
 - 2 člana ispred osnivača,
 - 2 član ispred uposlenih,
4. JU Centar za obrazovanje i kulturu Gornji Vakuf-Uskoplje
 - 4 člana ispred osnivača,
 - 1 član ispred uposlenih,
5. JU Dječji vrtić Gornji Vakuf-Uskoplje
 - 3 člana ispred osnivača,
 - 1 član ispred roditelja, korisnika usluga,
 - 1 član ispred uposlenih.

II OPIS POZICIJA

Upravni odbor javne ustanove ; donosi pravila ustanove, imenuje i razrješava direktora , utvrđuje planove rada i razvoja, utvrđuje godišnji program rada, donosi finansijski plan i usvaja godišnji obračun, donosi opći akt o unutrašnjoj organizaciji i druga opća akta u skladu sa Zakonom i pravilima, odlučuje o svim pitanjima obavljanja djelatnosti, usmjerava , kontroliše i ocjenjuje rad direktora, rješava sva pitanja odnosa sa osnivačem, odlučuje o korištenju sredstava preko iznosa utvrđenog pravilima, odgovara osnivaču za rezultate rada ustanove, odlučuje o prigovoru zaposlenika protiv rješenja o pravima, obavezama i odgovornostima iz radnog odnosa, podnosi godišnji izvještaj o poslovanju ustanove, vrši i dr. poslove u skladu sa Zakonom, pravilima i Poslovníkom o radu Upravnog odbora.

Članovi upravnog odbora imenuju se na vrijeme od 4 godine i mogu biti ponovo imenovani, a za svoj rad u upravnom odboru imaju pravo na naknadu u visini utvrđenoj Odlukom upravnog odbora u skladu s Odlukom Općinskog vijeća.

III – OPĆI USLOVI

Opći uslovi:

- Da su državljani Bosne i Hercegovine;
- Da su stariji od 18 godina i da nisu stariji od 65 godina na dan imenovanja;
- Da nije otpušten iz državne službe kao rezultat disciplinske mjere (bilo na nivou države ili entiteta) u periodu od tri godine prije dana objavljivanja upražnjene pozicije;
- Da nije pod optužnicom Međunarodnog suda za ratne zločine u bivšoj Jugoslaviji (član IX.1 Ustava Bosne i Hercegovine);
- Da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije BiH;
- da nema privatni/finansijski interes u javnoj ustanovi u koju se kandiduje;

- da nije član organa zakonodavne, izvršne ili sudske vlasti ili savjetnik u smislu odredbi Zakona o sukobu interesa u tijelima vlasti Federacije BiH («Službene novine Federacije BiH», broj 70/08);
- da nije osuđivan za krivično djelo i za privredni prestup nespojive s dužnošću u instituciji u kojoj se kandiduje pet godina od dana pravosnažnosti presude isključujući vrijeme zatvorske kazne;
- da nije lice kojem je pravosnažnom presudom suda zabranjeno obavljanje aktivnosti u nadležnoj instituciji u kojoj se kandiduje;

IV - POSEBNI USLOVI

- VSS sa tri godine radnog iskustva ili VŠS sa pet godina radnog iskustva, izuzetno za članove iz reda zaposlenika ili roditelja korisnika usluga odnosno do 1/3 sastava Upravnog odbora, SSS- IV stepena sa pet godina radnog iskustva;
- Da nije član više od jednog upravnog odbora ili nekog drugog upravljačkog tijela;
- Da posjeduje sposobnost za savjesno, odgovorno i odlučno obavljanje povjerene funkcije;
- Da posjeduje sposobnost nepristrasnog donošenja odluka;
- Da posjeduje komunikacijske i organizatorske sposobnosti;
- Rezultati rad ostvareni tokom poslovne karijere, preporuke ranijih neposrednih rukovodilaca.

V POTREBNI DOKUMENTI

Prijava na javni oglas treba da sadrži oznake pozicije za koju se kandidiraju i kratku biografiju, adresu i kontakt telefon : uz prijavu treba dostaviti;

- uvjerenje o državljanstvu (ne starije od 6 mjeseci) ili ovjerenu kopiju CIPS lične karte
- uvjerenje o nekažnjavanju od nadležnog policijskog organa (ne starije od 3 mjeseca)
- ovjerenu kopiju diplome
- uvjerenje o radnom iskustvu
- ovjerenu izjavu kandidata o ispunjavanju uslova iz tačke III, alineja 3,5,6,7 i iz tačke IV, alineja 2

VI OSTALE NAPOMENE

Javni oglas će se objaviti u « Službenim novinama F BiH», u «Oslobođenju», na oglasnoj ploči općine Gornji Vakuf – Uskoplje i WEB-stranici općine Gornji Vakuf-Uskoplje.

Rok za podnošenje prijave je 15 dana, a računa se od datuma zadnje objave oglasa.

Prijave sa dokumentacijom mogu se dostaviti lično ili preporučeno poštom, u zatvorenoj kovrti, na adresu;

Općina Gornji Vakuf – Uskoplje, Komisija za izbor i imenovanje OV Gornji Vakuf – Uskoplje, 70240 Gornji Vakuf – Uskoplje, ul. Vrbaska bb, sa naznakom « Prijave na oglas, NE OTVARATI «.

Nepotpune i neblagovremeno podnesene prijave neće se uzeti u razmatranje.

Komisija će nakon provedenog postupka predložiti rang listu sa najuspješnijim kandidatima i prosljediti je Općinskom vijeću na konačno imenovanje.

Konačno imenovanje će se objaviti « Službenim novinama F BiH », i « Službenom glasniku općine Gornji Vakuf – Uskoplje».

Gornji Vakuf-Uskoplje,
18.06.2018.god.
Broj: 01-05-75/18



PREDSJEDNIK KOMISIJE
ZA IZBOR I IMENOVANJE
Dževad Idrizović